


# Pakar mata mati di puncak Kinabalu

**Prof. Madya Dr. Nazri Omar ditemui pengsan 600 meter dari puncak gunung tertinggi di Asia Tenggara**



SEORANG pakar mata di Fakulti Perubatan dan Sains Kesihatan, Universiti Putra Malaysia (UPM), Serdang, Selangor, Prof. Madya Dr. Nazri Omar, 49, yang hilang akibat terpisah daripada kumpulan pendakinya ketika menuruni Gunung Kinabalu, Kundasang di Sabah pada pukul 8 pagi kelmarin ditemui pengsan sebelum disahkan meninggal dunia sembilan jam kemudian.

Nazri yang menetap di Bandar Baru Bangi, Selangor, ditemui oleh sekumpulan pendaki lain kira-kira 600 meter

dari puncak gunung itu dalam keadaan tidak sedarkan diri pada pukul 12 tengah hari.

Pihak berkuasa yang melancarkan operasi mencari dan menyelamatkan kemudian menerima maklumat mengenai penemuan seorang lelaki yang pengsan di kawasan tersebut.

Ketua Polis Daerah Ranau, Deputy Superintendan Mohd. Farhan Lee Abdullah berkata, pihak bomba yang mendapat panggilan kecemasan daripada pihak Taman-Taman Sabah

pada pukul 1.15 petang kemudian bergegas ke lokasi kejadian.

“Pihak bomba kemudian telah pergi ke lokasi kejadian dan membawa mangsa turun namun dia disahkan telah meninggal dunia oleh seorang doktor di Timpohan Gate di kaki gunung itu pada pukul 5.40 petang,” jelas Farhan ketika dihubungi *Kosmo!* semalam.

ANGGOTA penyelamat membawa turun mangsa yang ditemui pengsan kira-kira 600 meter dari puncak Gunung Kinabalu, Kundasang kelmarin.



GUNUNG Kinabalu setinggi 4,095 meter menjadi lokasi popular untuk pendaki dari dalam dan luar negara.